

麗水縣志卷五

麗水縣知縣蒙化張銑纂

祠祀

報功崇德明禋所宜肅也其有民俗俎豆所歸而未臚祀典者審與淫祀有殊亦莫或廢之矣東嶽廟非所宜立顧其來已久附之簡末以當古蹟之一云

先農壇 在巖泉門外馬鳴莊

國朝雍正五年知縣郭朝端奉文建并置藉田四畝九分

麗水縣志

卷之五

祠祀

一

社稷壇 在通惠門外

風雲雷雨山川壇 在南明門外溪南一里許

先師廟 詳學校

名宦祠 詳學校

鄉賢祠 詳學校

忠義祠 詳學校

國朝雍正五年知縣郭朝端奉文建

節孝祠 詳學校

國朝雍正五年知縣郭朝端奉文建始在行春門內溪頭莊後壞於水乾隆中縣人錢元炆改建今地

關帝廟 在圭山明萬歷四十二年建有縣人王一中碑

國朝雍正六年知府姚鈴更新之查法喜廢寺田七十  
三畝給住僧供香火修葺案關帝文昌諸廟鄉里多有之今惟著有司致祭之所餘不備及

文昌廟 在圭山明萬歷二十二年知府任可容通判文似韓建

國朝康熙三十三年知府劉廷璣重修乾隆中別建於府學東南規制較宏春秋祀事率於此焉

純陽廟 在法海寺前

麗水縣志

卷之五 祠祀

二

國朝嘉慶十一年奉文建始在圭山之西十七年徙今地

天后宮 在縣治南

國朝乾隆十八年奉文建春秋致祭

城隍廟 在圭山南麓向無祠宇附神位於郡廟

國朝乾隆二十一年知縣陳證勅建嘉慶五年壞於水  
八年知縣張吉安重修道光十九年邑人擴基重  
建崇開華棖久未葺事二十五年銑督率修成之

厲壇 在北郊二里

麗陽廟 在城北十里初名白塔廟唐大中四年州

守徐郃改今名有宋郡守葉武子奏免浮財物力

碑其陰刻元至大中修廟記又有至順三年加封

神號及至正十四年危素碑俱詳栝蒼金石志

麗陽廟記古麗陽廟即白塔廟山頂舊有浮圖故

取名焉雖至窘湫禱之罔不響應大中四年今齊

州刺史徐公郃理處屬亢陽偏祈山川罔有徵驗

躬酌此廟雨乃隨車公以邑有麗陽溪廟居其後

遂改麗陽廟八年冬天水姜公肅委知軍州事與

麗水令榮陽鄭公全察相顧言曰郡邑無事山廟

可完春三月乃請郡虞侯樂安汪漢藩審勢於舊

廟之西而剏殿焉正位麗陽王乃北山之神左則

白塔王斯土地之主右則巨潭王乃北沼之靈也

夏五月十五日郡邑官僚鄉里耆舊列筵以落之

萬曆續處州府志嘉靖問知府董得朋置田一

頃一畝以供祭事萬曆十七年知府郭宗盤因變

賣寺田遂併廢之至二十一年同知陳其志始復

其舊李詔麗陽廟祭田記麗陽之神載在祀典

麗水縣志

卷之五

祠祀

三

粵自唐宋以入我朝歷八百餘年有欽給香燭無

祭田郡守東莊黃公郡佐定齋梁公暨郡邑諸士

夫後先相繼置田百一畝屬邑父老治祭儀以供

歲事邇年閩中郭公守栝籍寺田租入為公帑而

麗陽祭田亦在收例祀事闕修屢矣會連歲旱燬

疫癘道殣不收郭公入計行郡佐安陸陳公攝篆

民白其事陳公憮然曰寺田初由官給寺廢則租

可收祭田出自人供神存則祭不可廢也遂檄縣

復田於廟聽民歲時告虔民大驩悅欲徵言以垂

不朽余惟神捍災恤患禮宜報祀歷朝符敕碑記

班班可考余何庸贅但述復田始末以垂永久云

栝蒼彙紀宋紹定戊子六月二日郡守高似孫

持香麗陽祠至第二殿有龍見扇上初如飛螢熠

熠俄成青金色長出扇外頃又化五色晶采異常

羣目驚悚高似孫麗陽廟紀異詩曉拜麗陽峯

輕烟鎖亂松一香通有象五色化成龍但只飛靈

雨須教慰老農平生知已處神獨最於儂栝蒼

彙紀麗水麗陽山相傳每歲六月既望夜林壑間

有燈若人往來迎送節判朱天民見而異之今居

民凡六月二十八夜盡燃燈祀神朱天民神燈

詩昔聞長老說北山有神燈六月神初度邑人競  
高登夜深猶闐寂歛復見峻嶒雲煜煥珠采點綴  
橫玉繩漸漸出陰壑一一度蒼藤乍明乃俟晦此  
沒復彼輿光中若有人前後相參承久久始散去  
各自為儕朋我習聞此語所恨見未曾堪來默致  
禱祥光俄相應體大赤杲日中瑩融清冰夫豈一  
寸腸信足通幽冥再拜  
語燈火照我心淵澄

龍神祠 在縣治西麗陽行祠後

國朝嘉慶十三年知府方維祺建

三皇廟

在圭山西麓

案元黃文獻集三皇廟記唐天寶間三皇始有廟天下都

邑咸得通祀云云麗邑之廟不知所自始今俗呼為藥王廟

詹南二司馬廟

在城西五十里松陽境內祀梁開

通濟渠二司馬今俗改為白龍廟以二司馬耐案碧

麗水縣志

卷之五

祠祀

四

湖別有龍子廟亦以二司馬耐違禮拂情並當更正  
關景暉詹南二司馬廟記麗水十縣皆並山為田常患水不足縣西五十里有堰曰通濟障松陽遂昌兩溪之水別為大川分為四十八派析流映澮注民田二千頃又以餘水瀦為湖以備溪水之不及自是歲雖凶而常豐元祐壬申堰壞命尉姚希治之明年帥羣官往視成功有廟曰詹南二司馬不知其誰詢諸故老謂梁有司馬詹氏始謀為堰而請於朝又遣司馬南氏其治其事是歲溪水暴悍功久不就一日有老人指之曰過溪遇異物即營其地果見白蛇自山絕溪北營之始就明道中碑刻尚存云

武肅廟

在縣西三十里九龍村祀吳越王錢鏐

惠應廟

在城北二十里甘泉壩神姓金佚其名有

宋嘉定八年賜額敕牒碑

敕牒碑陰記金端公廟父老相傳唐末山賊劫

掠為國勤兵至麗水縣二十五都武婆嶺沒於王事累顯神蹟云云餘多剝蝕

靈應廟 在城北三十里浯溪神姓葉佚其名有元

至正六年碑 林似祖靈應廟記葉侯生唐僖宗朝

人侯帥其二子磔殺之既卒賊兵過或見侯率衆

擊賊賊辟去鄉井賴完宋淳祐二年進士潘檜始

初廟宇皇元混一命正一真人留國公得以符誥

封鬼神皇慶壬子鄉人狀神功惠以聞封廣福威

烈侯長子助靈將軍次

昭顯將軍廟號靈應

彭城廟 在城南十里下劉神姓劉佚其名有元大

德元年碑 鄭桂高碑記咸淳十年處州狀彭城三

牒建德府僚來覈又明年皇元口

命神靈滋不可揜爰作新廟云云

秦淮海祠 在萬象山乾隆六十年溫處道秦瀛摹

像并宋元祐三年除太學博士敕勒石蓮城書院

嘉慶元年知府修仁移建於此 秦瀛書淮海先生

後乾隆五十八年冬十二月瀛以戶部郎中出為

溫處兵備道處之姜山為宋酒稅局始祖淮海先

生謫監郡酒稅時居此又青田縣有慈仁院者先

生昔訪曇法師於是官滿作詩留別院僧繪像立

祠嘉泰間郡守胡澄取先生像刊石郡齋瀛訪先

生祠已久廢郡齋亦無先生像未幾瀛遷杭嘉湖

麗水縣志

卷之五

祠祀

五

嘉慶元年知府修仁移建於此 秦瀛書淮海先生

後乾隆五十八年冬十二月瀛以戶部郎中出為

溫處兵備道處之姜山為宋酒稅局始祖淮海先

生謫監郡酒稅時居此又青田縣有慈仁院者先

生昔訪曇法師於是官滿作詩留別院僧繪像立

祠嘉泰間郡守胡澄取先生像刊石郡齋瀛訪先

生祠已久廢郡齋亦無先生像未幾瀛遷杭嘉湖

道去今年秋諭諸處州守伊君湯安將於郡城之

圭山蓮城書院設先生位以存祠祀會族祖雲錦

來杭州眎瀛所藏先生小像又元祐三年除太學

博士校正秘書省書籍敕一通瀛敬謹重摹勒石

屬伊君嵌置蓮城書院之壁按先生除博士由蘇

文忠公之薦其後俱以黨禍被謫先生始以國史

院編修判杭旋貶處州且由處轉徙嶺海歿於藤

州之華光亭瀛監司浙東既過先生所嘗監稅處

今官於杭杭之天竺龍井皆有先生遺蹟徘徊瞻

仰抑亦有厚幸矣無錫裔孫瀛謹識於武林官舍

時乾隆六十年十一月既望後一日秦瀛處州

萬象山淮海先生祠堂記處州故余遠祖淮海先

生監酒稅處也先生處時嘗訪曇法師於慈仁院既去院僧繪像立祠其載處州府志今祠廢而像亦不可考乾隆癸丑冬瀛奉天子命備兵溫處將重建祠而遽以遷調去乙卯冬始自杭州刻先先生像移奉處州圭山之蓮城書院又閱一年杭郡丞修君奉檄權處州事將行來謁別余語及之修君莅處以書來諭曰書院地故湫隘不克稱有萬象山者故郡城最高處其上為崇福寺極爽塏今以寺中之東偏三楹重加黝堊設神龕奉先生像祀焉祀之日自郡大夫以下及處之士民咸往瞻拜如禮此處州萬象山之由有先生祠也瀛惟先生少負經世畧疆志盛氣好談兵為蘇文忠公所賞既而杭州言者論其增損實錄橫羅貶謫坐黨籍出俸杭州言者論其增損實錄橫羅貶謫監酒稅於此而小人承望風指猶未已卒以謁告寫佛書削先生秩遷徙嶺海易曰君子得與小人剝虛君子小人之進退剝復係乎國家之治忽宋自黨禍興而神州陸沈後世士君子過先生祠所當太息痛恨於紹聖之已事也顧當時之禍先生者其骨已朽而先生及諸君子之名至今猶在天

麗水縣志

卷之五

祠祀

六

壤亦可見小人之禍君子無往不福君子小人之智適成爲小人之愚已矣而先生踪蹟所至官於其地者無不爲之流連感慕况又爲其子孫如瀛者與瀛往來處州未至萬象山聞其地俯臨城郭近挹溪光望之若圖畫蓋枯蒼一郡之勝而又與姜山近卽宋時酒稅局先生之靈其憑依於是無疑也修君名仁漢軍鑲藍旗人由舉人出爲知縣遷杭州府總捕同知今署處州府知府祠之成繫君成之麗水縣知縣常熟邵培德處州府教授海甯張駿麗水縣典史無錫侯寶樹並襄其事例得具書時嘉慶元年丙辰十二月望前五日張吉安詩僉判杭州到栢州官因詩謫也風流我來七百餘年後山抹微雲正晚秋鶯花亭子幾春風一卧圓菴百慮空才子回頭都是佛而今彌勒一龕同董旂詩醉卧藤陰夢正長炎風吹淚又蠻鄉微雲競寫詞人句衰草空迴學士腸到眼魚豚皆別恨驚心鼓角易斜陽一龕今與彌陀共負當年蒸瓣香

五賢祠 在府學東初祀宋孫沔黃葆光吳戴後增

王之望王信為五賢云

案沔葆光之望為長官戴信為鄉人結為五賢未曉

其義朱史云之望紹興中為處州教授府志不載後力主和議割地啖敵人無足重然史稱其有文藝幹畧則為教授時曾有治績也王信明一統志作王公信誤

忠節祠

在禪山儒學南宋建炎初敕建祀太原府

孟縣主簿祝公明忠翊郎姜綬義士章雲就知雍

州詹友四人並靖康建炎間死難者也紹定中郡

守高似孫修之

案祠始在九盤嶺舊郡治旁後郡徙祠遂廢公明十一世孫攬改

建今地見明成化八年重建碑浙江通志謂祠址失考未見碑耳碑多殘缺其叙四賢有名良臣者良上闕一字未悉其異同之故高似孫忠節祠記似孫守楮兩載一日小孫彭夢神人曰我太原孟縣義烈祝公也姜官師也章少傅也詹光祿也一屋荒寂西亞角樓雲馬風車謝守振拔者魚魚

麗水縣志

卷之五

七

闔闔我慕焉幸為啟太守彭曉白其事乃謁以香四公各稱宛與夢合即上奏願賜旌額肖像而奉之竊惟天之為天人之為人同一清明其生為忠臣為義士死亦如之耿亮湛澹直可以配天諸公皆以罵賊不屈于刀鋸報之者畜有國者所當盡其義為人臣者不當辭其責予歸矣稍刊其意以告後之垂意於斯者

清風祠

在縣治南宋嘉熙間郡守馬光祖建祀敷

文閣待制閻邱昕青田洪師中有記

開國元勳祠

在富山明嘉靖中知府潘潤建祀誠

意伯劉基

潘潤請建祠檔案禮部為崇元勳以厲人心事祠祭清吏司案呈奉本部送禮

科抄出浙江處州府知府潘潤一本洪惟我太祖高皇帝龍飛淮甸奄有大業當時佐命諸臣奉行天討削平僭亂者有徐達湯和輩而運籌帷幄者惟劉基一人太祖嘗敬禮之而不名每曰吾子房

也所以待之者至矣厥後徐達之子輝祖襲封公爵世代相承劉基之孫馬襲封誠意伯自馬後不傳景泰間欽取基七世孫劉祿授翰林院五經博士天順元年劉祿奏請立祠詔下有司營建於基原籍青田縣然五經博士之襲似未愜然有懷未吐嘉靖五年六月臣承命知處州府事值公幹至青田謁誠意伯祠見規模卑隘及詢儀物亦不加隆其孫劉瑜現襲處州衛指揮使臣恩太祖之報賞也論功錫子孫權衡不爽奈何歷世未遠而事體頓殊徐達子孫輝映百年無異基襲蔭僅一指揮祭祀率多簡畧恐太祖在天之靈不欲止於是也查弘治十五年禮科給事中臣吳任偉請建祠於府城前任知府臣梁宸謹奉欽依事理置地於星華舖尙未建立臣不忍緘默冒死上陳伏乞皇上敕禮兵二部查照徐達湯和等於襲蔭稍加爵秩祠宇稍加壯麗祭祀稍加豐隆使其子孫世守則上副太祖錫報元功之誠下協天下臣民之論抑有以厲人心於將來矣等因奉聖旨該部知道欽此欽遵抄出送司案呈到部除襲蔭移咨別部施行外所據建祠祭祀一節合行照會本布政司着

麗水縣志

卷之五

祠祀

八

落當該官吏查勘如果府城置有官地即便轉行該府開拓建祠其祭儀祭文查照該縣舊規施行嘉靖七年五月初三日邵寶詩一代元功百世豪遺容瞻處麗陽高天留湯沐田無稅人擬明禋澗有毛莘野不妨初就桀草廬猶恨未誅曹萬峯指點青田路斷石枯松望眼勞皇甫汭詩璿璣既外運寶鼎亦乖移椎辦穢玉藻左衽黷綃衣謾呂憤后耻誚田懟宰嗤猾夏蕩無象誕聖鬱有期陽九值傾否明兩邁重離俟清乃契渭顯允聿與姬探符洞赤伏懷韜卧青溪居擬王佐匹起為帝者師羣策參多士獨算莫與借禹志晚晞帛良謀日陳帷立談不解褐肆伐竟成麾么麼井蛙器安干神龍威一舉已就殄崇朝遂丁夷摧漢若電掃卷吳類風馳功成奉身退書上賜骸歸山林足投老帝鄉甯久羈貪天自貽戚震主或見疑伊人信大雅榮名安可追享報式嘉薦像寢示崇規蹇劣淹末宦竦踊企前徽稽首曷容贊撫心投此辭顧大典詩乘時仗策奠華夷帷幄謀諛蔚帝師豹隱賸閑黃石畧鴻冥終赴赤松期百年勲烈輝輝寰宇一代文章煥郁離蘋藻獨修瞻睟享煌煌宸翰



照穹碑朱彝尊詩草昧經綸日英雄戰鬪年真人淮泗起王氣斗牛纏命世生良弼卑棲役大賢一官齊簿尉千里正戈鋌記室依袁紹飛書謝魯連神鷹思飽掣威鳳必高鶩漢祖除秦法周王卜渭畋廟堂才不易束帛禮宜先遂有君臣契能令帷幄專南征頻克敵北伐旋摧堅王會收三統軍謀出萬全河山分帶礪冠蓋儼神仙未辟留侯穀長辭范蠡船麒麟當日畫竹帛後時編一自邱陵改重愁歲月遷隆中猶故宅縣上少封田舊俗遷祠廟清歌入管絃黃金遺像蝕鐵券幾人傳古瓦颯颯落荒庭檜柏圓蛛絲虛寢骨鳥蹟斷碑眠想像陰符策沈吟寶劍篇前賢餘事業後死尚迤邐去去辭粉梓栖栖到海壖空林多雨雪哀角滿山川玉帳無遺術蒼生久倒懸憑留一黃石相待穀城邊案謂劉文成祠詩甚多非為麗邑作者不錄

泗國公祠 在縣治西南祀明參軍耿再成有宋濂

及蘇伯衡碑

宋濂耿公祠堂碑侯諱再成字德甫從吳王下江東多著勞烈自偏裨擢

麗水縣志

卷之五

祠祀

九

陞江南行樞密判官階鎮國上將軍龍鳳四年冬王帥師取金華侯為前鋒金華平五年冬十一月王命胡參政大海及侯分道攻括蒼已而又平王遂命侯鎮其土勞來安輯至者如歸侯馭下嚴軍校或斬人邱木捕而誅之自是皆畏威雖哇蔬不敢采先是士卒所至必徵私粟於民號曰砮糧莫敢何問侯白胡參政罷之八年春二月軍中有舊降帥相挺為亂侯方與客飲聞變即上馬收戰卒不滿二十人迎罵賊賊怒欲刺侯侯連劍斷數槩賊將躍而前正中侯頸遂墮馬罵賊不絕口而死夏四月王師四集盡殲醜類改葬侯於金陵之聚寶山命侯子天壁嗣職仍鎮其土無何龍泉胡公深總制是邦七邑之民咸聽請立祠以妥其靈胡公曰吾志也命知府事程君孔昭視其役肖侯像其中經始於九年春二月落成於夏五月樊獻科泗國公祠記泗國武莊耿公勲庸之盛死國之忠具載宋太史碑中時方草昧祠雖建而祭典尚缺至今百八十年乃發於公六世孫曰鏞者陳詞乞祭得俞所請命歲祭二仲又命公子天壁配食乃徵文紀石俾來者知祭典維新之自云

三賢祠 在縣治南明巡按御史王獻之建祀中丞

章溢南陽侯葉琛縉雲伯胡深章拯三賢祠記括山降神克生誠意

伯劉公基御史中丞章公溢縉雲伯胡公深南陽

侯葉公琛皆人傑也然章公遽卒於位胡葉二公

沒於難獨劉公從容受封比蹟子房近復蒙恩建

祠襲爵而三公祠宇荒廢識者憾之新安湛泉王

公獻之按臨慨然曰此觀風者責也謀諸憲副胡

公有恒盧公蕙都閩韓公平守備盧公鏜皆欣然

協贊而平原岱野張公一厚遂擇地於城中得葉

編修遺構棟宇宏敞買為祠前為門樓中為享堂

肖三公序爵列坐復樹三碑於堂各刊行實五旬

畢工行麗水縣春秋致祭案章拯記括蒼彙紀

誤題王獻之作據石刻正

二忠祠 在紫陽祠後明分守參議勞堪建祀參議

耿定僉事王晟勞堪二忠祠記余觀括史云正統十三年寇薄括郡耿王二大夫率

麗水縣志

卷之五

祠祀

十

兵禦之明年大戰於周坦兵潰被執不屈死余生  
平嚮慕忠節之士願為執鞭今得二大夫顧俾其  
泯沒而弗俎豆也其謂之何爰命有司設像祀之  
夫忠良心也貫常變齊死生惟知有君而不知有  
身之謂也謀身重則謀國輕居常非則遇變苟何  
者亾其良心也比心可剖而宗國必不可負顏舌  
可斷而叛虜必不可從百世而下聞者莫不興起  
焉觸其良心也二大夫之死真不有其身矣聞風  
者亦將忠君報國之心勃然生乎余記之不獨為  
二大夫也案明史張驥傳定和州人晟鄆城人  
俱進士事聞  
贈官錄一子

郭公祠 在府治後

國朝順治十六年知府周茂源建祀明知府郭忠周茂源郭

公祠記公長身鐵面嚴重有威家視括子視民凡  
可以去括之疾苦而為安全計者莫不焦思畢力  
以圖終於形枯神斂以卒於位故其神依久弗去  
往往昭靈見像以警動人耳目維治之北有隙地

焉卜云其吉於是伐木於山陶甓於治鳩  
工飭役爲屋三楹爰作公主升之於座

### 崔公遺愛祠 在縣治西澄西舖

國朝康熙中建祀總兵江夏崔相國

舍聖潢重修崔公祠記總戎元卿崔

公早年立功滇黔晉楚間及移節東南歷温州臺  
灣處州所至盜息民安著有勞績先是處大歉公  
爲設粥賑飢死者施棺槨掩其遺骸災黎賴焉體  
恤行間代出費運糧給芻牧軍政得不替士卒借  
支銀若干悉焚券弗責償一時兵民慶更生遇疾  
卒於處處人立祠祀焉歲久漸圯過者惻然因謀  
更新益廓而大之將鳩工適公子應階撫山左聞  
之發使賫金抵處一切修營所需皆給公價不絲  
毫累民而觀察使蘇公總戎于公暨余往來董率  
不日落成守土者春秋時享率土人齋肅告虔公  
之靈將默鑑焉所以降福於處人者正未有艾也

### 方公遺愛祠 在縣治西華祠舖

## 麗水縣志

### 卷之五

祠祀

士

國朝乾隆三十三年四營公建祀總兵江都方文登道

光二十五年總兵梁勝灝以總兵鄭國鴻遊擊托

雲保守備李躍淵千總洪式琮蔡步高胡大純外

委金釗諸主祀祀皆二十一年進剿嘆夷陣亡甯

波者也

植璋方公祠記雍正七年公由黃巖調鎮處州知兵丁青黃不接輒乏食愷切具奏

願捐俸買穀三千石春夏借給秋冬買還蒙  
恩旨准行迄今三十餘年各省仿照舉行公之愷  
澤遂及天下矣公因處郡上通雲龍七邑下達甌  
江捐設巡船巡緝私梟於鹽課有裨各商呈請青  
邑鹽關每引輸費二分以爲巡兵盤費并修船之  
用至今查緝攸賴皆公之遺愛也公字臺臣揚州  
江都人

### 棗山廟

在棗山

以下八廟不知所祀何神並從府志書之

靈佑廟 在縣治東南一里宋乾道二年賜額今俗呼厚田廟

協濟廟 在縣治西南花樓井宋淳熙中市不戒於火禱之即滅郡守李處全請賜廟額

好道廟 在城東十里宋大中祥符間封濟渡侯  
通惠廟 在城西三十五里宋政和三年賜額紹興四年封普應侯案府志云晉司空陸阮然有記今無考

協應廟 在風門山顛宋淳祐十二年賜額慶元二年郡守趙善堅禱雨屢應奏加二神顯惠公靈祐公

麗水縣志

卷之五

祠祀

三

福順廟 始在縣東五里宋淳熙三年知縣吳津遷於延和門內後遷巖泉門外今在縣治西驛前舖  
顯佑廟 在縣西白峯禱雨有應宋咸淳八年賜額  
旗纛廟 在縣治西祀軍牙六纛之神明制霜降日處州衛掌印官主之

火神廟 在縣治西星華舖案以下三廟皆康熙中平陽鎮移駐處州後營官所建

馬王廟 在火神廟右

晏公廟 在縣治南石橋舖案據浙江通志則神為宋晏戍仔府志以為晏

安誤

忠靖王廟 在圍山俗呼太保廟神為唐平陽溫瓊  
能除疫厲

國朝乾隆中建實宋王信山堂廟故址也舊志謂信使金獲神佑既

歸建廟圍山宅後以奉之

護國夫人廟 在通惠門內茭山祀唐孝婦馬氏孝婦

景甯縣人事詳李陽冰碑見景甯縣志

順懿夫人廟 在縣治西太平坊鶴鳴井南祀閩中

女子陳靖姑十國春秋靖姑陳守元女弟也嘗餉守元於山中遇餒嫗飯之遂授以符

篆驅使五丁永福有白蛇為孽惠宗召靖姑驅之靖姑斬蛇為三詔曰蛇魅行妖術隱淪後宮誑欺百姓靖姑親率神兵以安元元功莫大焉其封為順懿夫人食古田三百戶以一子為舍人

麗水縣志 卷之五 祠祀 三

東嶽行宮 在縣治西南有元項棣孫碑案宋真宗大中祥符

九年有事泰山嶽神顯異詔天下郡縣悉建東嶽行宮此郡縣東嶽廟所自始也項棣孫碑謂栢郡東嶽之祠始創於唐殆失考耳